

sehn hebbe, twelleff punth Magdeborehsche pennyge iarlikes dar van ghehath hefft, wu wol van vorwustinghe unde ander vorhindinge nu itlike tydt der iare ohnen dar nicht ys aff gegeben, mydt sodanne bescheyde, dat ick unde myne erven wann wy de guder wedder yn unse brukinghe ghebracht hebben umme sodanne jarlike tynsse unß mydt syner werdicheyt vordragen unde voreynigen scullen, unde ock veer hufe landes to Emersleve, de Busse van Wantsleve zeliger unde syn gheslechte van alder van synen vorfaren tho menliken lene ghehath hefft unde na synen dode vorleddyghet syn, recht unde redeliken to menliken lehne, alße menlikes lengudes recht unde wonheyt ys, entfangen hebbe unde love deme vorgnanten mynen erwerdyghen heren abbete van Berghe synen nakamelingen unde godeshuse de guder vorgnant ome nicht to entfromden unde unß der nudt an anders neynen heren wenden willen sunder unß by syner erwerdicheyt dar von holden unde bewysen, alße eyn belenth man synen lenheren van rechte unde ghewonheyt plichtich ys to donde. To orkunde unde bewysinghe aller dusser vorghescreven puncte unde articule hebbe ick Busse van Alvensleve ritter up gnant myn inghesegel witliken vor my unde myne erven hengen laten benedden an dussen mynen breff apenbreff na der borth Cristi anno domini MCCCCLXXX quarto feria quarta ante Simonis et Iude apostolorum.

*Aus dem Copiale des Abtes Andreas S. 71b.*

### 1484, October 27.

517.

*Andreas, Abt zu Berge, belehnt Ritter Busso von Alvensleben, obersten Marschall beider Marken zu Brandenburg, mit den Äckern, Wiesen, Weiden und der Voigtei zu Tundersleben, womit zuvor die von Bärwinkel zu Tundersleben belehnt waren.*

Na der borth Cristi unses hern MCCCCLXXXIII feria quarta ante festum Symonis et Iude apostolorum.

*Aus dem Copiale des Abtes Andreas S. 71.*

### 1484, November 10.

518.

*Andreas, Abt zu Berge, belehnt Ilse, Mauritz Sampeleben nachgelassene Wittwe, mit 1 Viertel Landes und 1 Morgen auf Osterweddinger Felde, sowie mit 3 Viertel und 1/2 Morgen auf Abbenдорper Mark und 1 Wohnhof zu Osterweddungen.*

Anno etc. am avende Martini des hilgen bisscoppes.

*Aus dem Copiale des Abtes Andreas S. 70b.*